

III

Ovo rješenje stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-13879-11.2/26
02. aprila 2026. godine
Sarajevo

Premijer
Nihad Uk, s. r.

**Ministarstvo za odgoj i obrazovanje
Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 83. stav (1), a u vezi sa čl. 80. stav (4) i 81. stav (4) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), a na prijedlog Javne ustanove Institut za razvoj preduniverzitetskog obrazovanja Kantona Sarajevo, ministrica za odgoj i obrazovanje Kantona Sarajevo donosi

**PRAVILNIK
O IZMJENAMA PRAVILNIKA O INKLUZIVNOM
OBRAZOVANJU**

Član 1.

(Izmjene člana 31.)

U Pravilniku o inkluzivnom obrazovanju ("Službene novine Kantona Sarajevo", broj 37/25) u članu 31. st. (2) i (3) mijenjaju se i glase:

- "(2) Roditelj učenika u školi može preuzeti kopiju primjerka IEP-a ili IPP-a.
(3) Škola i roditelji su dužni osigurati zaštitu podataka učenika u toku ostvarivanja prava učenika na podršku."

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-06/02-34-3914-9/26
23. marta 2026. godine
Sarajevo

Ministrica
Naida Hota-Muminović, s. r.

GRAD SARAJEVO**Gradonačelnik**

Na osnovu člana 79. Statuta Grada Sarajeva ("Službene novine Kantona Sarajevo", broj 7/23), člana 1., člana 2. i člana 3. Odluke o grbu i zastavi Grada Sarajeva ("Službene novine Kantona Sarajevo", broj 25/20) i člana 2. Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 5/06 - prečišćeni tekst, 33/07 i 25/19), gradonačelnik Grada Sarajeva donosi

**PRAVILNIK
O IZMJENI I DOPUNI PRAVILNIKA O PRIMJENI
GRAFIČKIH STANDARDARDA**

Član 1.

(Predmet)

U Pravilniku o primjeni grafičkih standarda, broj 01/03-04-263/26 ("Službene novine Kantona Sarajevo", broj 10/26), u članu 1. stav (2) iza riječi "i stručnih službi Grada Sarajeva" briše se interpukcijski znak tačka i dodaju riječi

"gradonačelnika Grada Sarajeva, Gradskog vijeća Grada Sarajeva i Pravobranilaštva Grada Sarajeva".

Član 2.

(Primjena osnovnog teksta Pravilnika)

Ostale odredbe osnovnog teksta Pravilnika koje nisu izmjenjene i dopunjene ovim Pravilnikom ostaju na snazi.

Član 3.

(Stupanje na snagu)

Ovaj Pravilnik stupa na snagu danom donošenja, a naknadno će biti objavljen u "Službenim novinama Kantona Sarajevo".

Broj 01/03-04-263-1/26
24. marta 2026. godine
Sarajevo

Gradonačelnik
Samir Avdić, s. r.

OPĆINA CENTAR SARAJEVO**Općinsko vijeće**

Na osnovu člana 25. stav 7., člana 32. stav 3. i člana 39. stav 2., Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), te člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar, na 16. redovnoj sjednici, održanoj dana 26.03.2026. godine, donijelo je

ODLUKU**O IZMJENI I DOPUNI ODLUKE O PRISTUPANJU
IZRADI IZMJENA I DOPUNA REGULACIONOG
PLANA "STAMBENA ZONA ŠIP"
(PODRUČJE OPĆINE CENTAR SARAJEVO)**

- izgradnja stambeno-poslovnog objekta na parcelama k.č. 517/8 i 517/9 K.O. Sarajevo VI-
- izgradnja stambenog objekta na parcelama k.č. 516/1, 516/2 i 517/4 K.O. Sarajevo VI-

Član 1.

Ovom Odlukom vrše se izmjene i dopune Odluke o pristupanju izradi Izmjena i dopuna Regulacionog plana "Stambena zona Šip" ("Službene novine Kantona Sarajevo", broj 24/22), područje Općine Centar Sarajevo.

Član 2.

Član 2. "Granice područja za koje se Plan radi" mijenja se i glasi:

Izmjena i dopuna se radi na dva odvojena lokaliteta, čije su granice kako slijedi:

Lokalitet "A"

Granica obuhvata polazi od tromeđe parcela k.č. 451/3, 517/3 i 517/9, potom produžava na jug te jugozapad idući međom parcele k.č. 517/9 (obuhvata je), skreće na sjeverozapad idući međama parcela k.č. 517/9 i 451/3 (obuhvata ih) i dolazi do tačke br. 1 koja se nalazi na međi između parcela k.č. 451/3 i 450/2, a ima koordinate y=6531600, x=4859693, presjeca u pravoj liniji parcelu k.č. 451/3 do tačke br. 2 koja ima koordinate y=6531603, x=4859689, nastavlja na sjeveroistok međom parcele k.č. 517/9 (obuhvata je) te dolazi do mjesta odakle je opis granice i počeo.

Površina lokaliteta "A" iznosi P=0,05 ha

Lokalitet "B"

Granica obuhvata polazi od tromeđe parcela k.č. 517/5, 517/4 i 519/2, potom produžava na sjever, te sjeveroistok idući međama parcela k.č. 517/4 i 516/2 (obuhvata ih), potom se lomi

na jug, te jugozapad idući međama parcela k.č. 516/2 i 517/4 (obuhvata ih) te dolazi do mjesta odakle je opis granice i počeo.

Površina lokaliteta "B" iznosi P=0,08 ha.

Sve gore navedene parcele se nalaze u K.O. Sarajevo VI, Općina Centar.

Ukupna površina obuhvata iznosi P=0,13 ha.

Član 3.

Član 4. "Smjernice za izradu Plana" djelimično se mijenja u tački:

Stambeni objekat na parcelama k.č. 516/1, 516/2 i 517/4 K.O. Sarajevo VI novog premjera, na sljedeći način:

- U alineji I da stoji: U granicama vlasničkih parcela planirati stambeni objekat urbanu vilu ili stambeni duplex - dva objekta spojena zabatnim zidom;
- U alineji II da stoji: Minimalno rastojanje građevinske linije objekta, odnosno njegovog najisturenijeg dijela od granice građevinske parcele, iznosi 3,0 m;
- U stavu alineji VI da stoji: Podrumski etaža, u dijelu koji je potpuno ukopan u zemlju, može biti udaljena min 1,0 m od granice definisane građevinske parcele (regulacione linije parcele);
- U alineji VII izbaciti: ...površine do 360,0 m².

Ostali urbanističko-tehnički uslovi iz Smjernica za izradu Plana ostaju isti.

Ostale odredbe

Član 5.

Sastavni dio ove Odluke je grafički prilog sa ucrtanom granicom područja planiranja.

Član 6.

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 01-19-1857/26
26. marta 2026. godine
Sarajevo

Predsjedavajući
Općinskog vijeća
Benjamin Isović, s. r.

Ova Odluka objavljena je na oglasnoj ploči Općine Centar Sarajevo dana 31.03.2026. godine.



Na osnovu člana 66. Zakona o građevinskom zemljištu Federacije BiH ("Službene novine Federacije BiH", br. 25/03, 16/04 i 67/05), člana 42. Odluke o građevinskom zemljištu Općine Centar Sarajevo ("Službene novine Kantona Sarajevo", br. 17/15, 32/21, 40/21 i 52/21) i čl. 10. i 68. Statuta Općine Centar Sarajevo – Prečišćeni tekst ("Službene novine Kantona Sarajevo", br. 23/04), Općinsko vijeće Centar Sarajevo je, na 16. redovnoj sjednici, održanoj dana 26.03.2026. godine, donijelo

ODLUKU O UTVRĐIVANJU PROSJEČNE KONAČNE GRAĐEVINSKE CIJENE M² KORISNE STAMBENE POVRŠINE NA PODRUČJU OPĆINE CENTAR SARAJEVO U 2025. GODINI

Član 1.

Utvrđuje se prosječna konačna građevinska cijena m² korisne stambene površine na području Općine Centar Sarajevo u 2025. godini u iznosu od 2.600,00 KM.

Član 2.

Prosječna konačna građevinska cijena m² korisne stambene površine iz člana 1. ove odluke, služi kao osnovica za izračunavanje visine naknade za pogodnost gradskog građevinskog zemljišta - rente za tekuću godinu.

Član 3.

Postupci pokrenuti prije stupanja na snagu ove Odluke biće okončani u skladu sa Odlukom o utvrđivanju prosječne konačne građevinske cijene m² korisne stambene površine na području Općine Centar Sarajevo u 2024. godini.